



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<22> հուլիս 2021թ.

Ո Ր Ո Շ ՈՒ Մ No. 1872-Ա

**ՖԻԶԻԿԱԿԱՆ ԱՆՁԻ ԿՈՂՄԻՑ ԶԿԱՏԱՐՎԱԾ ՀԱՐԿԱՅԻՆ  
ՊԱՐՏԱՎՈՐՈՒԹՅՈՒՆԸ ԳԱՆՁԵԼՈՒ ՄԱՍԻՆ**

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս, քննարկելով ֆիզիկական անձ Կորյուն Հակոբյանի վերաբերյալ վարչական վարույթի նյութերը,

**Պ Ա Ր Զ Ե Ց Ի**

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից 01.07.2021թ. կազմված թիվ 32397/2021/ԿՈՒՎ4/Ա արձանագրության՝ (արձանագրությունը կցվում է)՝ ֆիզիկական անձ Կորյուն Հակոբյանի (անձնագիր՝ BA0256439, հասցե՝ ք.Արուսեան, 4-րդ մկր., 32-57) չկատարված հարկային պարտավորությունը 01.07.2021թ. թվականի դրությամբ կազմում է 705.660 դրամ, որից հարկ՝ 347.000 դրամ, տույժ՝ 5.830 դրամ, բնապահպանական հարկի գծով հարկ՝ 347.000 դրամ, տույժ՝ 5.830 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, չկատարված հարկային պարտավորությունը գանձելու վերաբերյալ վարչական ակտ ընդունելու նպատակով 15.07.2021թ. հարուցված վարչական վարույթի մասին հարկ վճարողը պատշաճ կերպով ծանուցվել է, սակայն վերջինս չի ներկայացել վարույթի նյութերին ծանոթանալու համար և որևէ բացատրություն չի տվել:

Համաձայն ՀՀ պետական եկամուտների կոմիտեի մաքսային մարմինների կողմից ստացված տեղեկությունների՝ ֆիզիկական անձ Կորյուն Հակոբյանի կողմից 24.04.2021թ. ԵԱՏՄ անդամ պետությունից ՀՀ տարածք է ներմուծվել 1998թ. թողարկման տարեթիվ ունեցող ԱՏԳ ԱԱ 8704 ծածկագրին դասվող տրանսպորտային միջոց՝ 250.000 ռուսական ռուբլու 1.735.000 համարժեք ՀՀ դրամի ինվոյսային արժեքով, ինչը գերազանցել է ՀՀ կառավարության 13.02.2020թ. <ՀՀ օրենքով սահմանված կարգով անհատ ձեռնարկատեր չհանդիսացող ակնհայտ առևտրային չափաքանակներն ու ներմուծման հարկային հայտարարագիր ներկայացնելու և անուղղակի հարկերի վճարման իրականացնելու

պարտավորության վերաբերյալ> թիվ 171-Ն որոշման թիվ 1 հավելվածով սահմանված չափաքանակը:

Համաձայն ՀՀ հարկային օրենսգրքի /այսուհետ՝ Օրենսգրքի/ 77-րդ հոդվածի 1-ին կետի՝ ԵՏՄ անդամ պետություններից Հայաստանի Հանրապետության տարածք ԵՏՄ ապրանքի կարգավիճակ ունեցող ապրանքների ներմուծման դեպքում (այդ թվում՝ Օրենսգրքի 59-րդ հոդվածի 6-րդ մասով, ինչպես նաև Օրենսգրքի 79-րդ հոդվածով սահմանված դեպքերում) հարկ վճարողը պարտավոր է մինչև ապրանքները Հայաստանի Հանրապետության տարածք ներմուծելու (Հայաստանի Հանրապետության պետական սահմանը հատելու) օրն ընդգրկող ամսվան հաջորդող ամսվա 20-ը ներառյալ հարկային մարմին ներկայացնել ներմուծողի լրացրած՝ ներմուծման հարկային հայտարարագիրը, իսկ Համաձայն Օրենսգրքի 78-րդ հոդվածի 6-ին կետի՝ ԵՏՄ անդամ պետություններից Հայաստանի Հանրապետություն ներմուծվող՝ ԵՏՄ ապրանքի կարգավիճակ ունեցող ապրանքների համար Օրենսգրքով սահմանված կարգով հաշվարկված ԱԱՀ-ի գումարները Հայաստանի Հանրապետության պետական բյուջե են վճարվում մինչև ապրանքները Հայաստանի Հանրապետության տարածք ներմուծելու (Հայաստանի Հանրապետության պետական սահմանը հատելու) օրն ընդգրկող ամսվան հաջորդող ամսվա 20-ը ներառյալ՝ որպես հարկային մարմին վճարվող գումարներ, բացառությամբ սույն հոդվածի 7-րդ և 8-րդ մասերով սահմանված դեպքերի:

Ֆիզիկական անձ Կորյուն Հակոբյանի կողմից 2021թ. ընթացքում իրականացված վերոնշյալ ներմուծման գործարք(ներ)ի մասով ներմուծման հարկային հայտարարագիր չի ներկայացվել և չի վճարվել ԱԱՀ-ի գծով պարտավորությունը:

Արդյունքում սույն որոշմամբ գանձման ենթակա օրենքով սահմանված ժամկետում չկատարված պարտավորությունը կազմում է 705.660 դրամ, որից ավելացված արժեքի հարկի գծով հարկ՝ 347.000 դրամ, որը հաշվարկվել է ՀՀ հարկային օրենսգրքի 63-րդ հոդվածի 1-ին կետի համաձայն և տույժ՝ 5.830 դրամ, որը հաշվարկվել է Օրենսգրքի 401-րդ հոդվածի համաձայն, ինչպես նաև բնապահպանական հարկի գծով 347.000 դրամ, որը հաշվարկվել է Օրենսգրքի 179-րդ հոդվածի 2-րդ մասի և տույժ՝ 5.830 դրամ, որը հաշվարկվել է Օրենսգրքի 401-րդ հոդվածի համաձայն:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասին 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 6-րդ մասով, և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 59, 88 հոդվածներով,

## **Ո Ր Ո Շ Ե Ց Ի**

1. Ֆիզիկական անձ Կորյուն Հակոբյանից գանձել 705.660 դրամ պարտավորության գումար համաձայն ստորև ներկայացված աղյուսյակի՝

**01.07.2021թ. դրությամբ չկատարված հարկային պարտավորությունները գանձելու**

**Վերաբերյալ**


**/Զափման միավորը՝ ՀՀ դրամ/**



| Հ/Հ | Հարկի և այլ պարտադիր վճարի տեսակը | Հաշվարկված հարկ/վճար |         | Հաշվարկված տույժ | Հաշվարկված տուգանք | Ընդամենը    | Վճարման ուղղությունը | Հաշվի համարը |
|-----|-----------------------------------|----------------------|---------|------------------|--------------------|-------------|----------------------|--------------|
|     |                                   | առաջացման ամսաթիվ    | գումար  |                  |                    |             |                      |              |
| 1   | 2                                 | 3                    | 4       | 5                | 6                  | 7=<br>4+5+6 | 8                    | 9            |
| 1   | Ավելացված արժեքի հարկ             | 01.07.2021           | 347.000 | 5.830            | -                  | 352.830     | պետական բյուջե       | 900008000490 |
| 2   | Բնապահպանական հարկ                | 01.07.2021           | 347.000 | 5.830            | -                  | 352.830     |                      |              |
|     |                                   |                      |         |                  |                    | 705.660     |                      |              |

2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

**ԻՐԱՎԱԲԱՆԱԿԱՆ  
ՎԱՐՉՈՒԹՅԱՆ ՊԵՏ**



**ԱՄՆԱՑԱԿԱՆՅԱՆ**

Կատարող՝  
Իրավաբանական վարչության հարկադիր  
գանձման և պարտավորությունների  
կատարման պարտավորությունների  
կատարման ապահովման բաժին  
Վլադիմիր Ավետիսյան  
հեռ.՝ 011-549-191 (91-48)